

PWYLLGOR TRWYDDEDU

Dydd Mawrth, 5 Ebrill 2022

YN BRESENNOL: Y Cynghorydd E.G. Thomas (Cadeirydd)

Y Cynghorwyr:

J.M. Charles, W.T. Evans, H.I. Jones, A.S.J. McPherson, B.D.J. Phillips, J.S. Phillips, J.E. Williams a/ac D.E. Williams

Yr oedd y swyddogion canlynol yn gwasanaethu yn y cyfarfod:

J. Power, Uwch Swyddog Trwyddedu
R. Edgecombe, Rheolwr y Gwasanaethau Cyfreithiol
E. Evans, Prif Swyddog Gwasanaethau Democrataidd
E. Bryer, Swyddog Gwasanaethau Democrataidd
J. Owens, Swyddog Gwasanaethau Democrataidd

Rhith-Gyfarfod - 10.00 - 11.43 yb

[SYLWER: Dywedodd y Cadeirydd wrth y Pwyllgor ei fod, yn unol â Rheol Gweithdrefn y Cyngor 2(3), yn mynd i amrywio trefn y busnes ar yr agenda er mwyn galluogi'r mater technegol a brofwyd gan y Cynghorydd H.I. Jones (Cadeirydd Is-bwyllgor Trwyddedu B) i'w ddatrys. Mae'r cofnodion hyn yn adlewyrchu trefn y busnes fel y'i nodir ar yr agenda].

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr S. Curry, P. Edwards ac A. Fox.

2. DATGANIADAU O FUDDIANNAU PERSONOL

Ni ddatganwyd unrhyw fuddiannau personol.

3. LLOFNODI YN GOFNOD CYWIR COFNODION CYFARFOD YR IS-BWYLLGOR TRWYDDEDU "B" A GYNHALIWDYD AR 15 CHWFROR 2022

PENDERFYNWYD YN UNFRYDOL lofnodi cofnodion cyfarfod Is-bwyllgor Trwyddedu "B" a gynhaliwyd ar 15 Chwefror 2022, gan eu bod yn gywir.

4. LLOFNODI YN GOFNOD CYWIR COFNODION CYFARFOD Y PWYLLGOR TRWYDDEDU A GYNHALIWDYD AR 17 CHWFROR 2022

PENDERFYNWYD YN UNFRYDOL lofnodi cofnodion cyfarfod y Pwyllgor Trwyddedu a gynhaliwyd ar 17 Chwefror 2022 gan eu bod yn gywir.

5. GORCHYMYN I'R CYHOEDD ADAEL Y CYFARFOD

PENDERFYNWYD YN UNFRYDOL, yn unol â Deddf Llywodraeth Leol 1972, fel y'i newidiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys

gwybodaeth eithriedig fel y'i diffiniwyd ym mharagraff 12 o Ran 4 o Atodlen 12A i'r Ddeddf.

6. MR MOHAMMAD ASHRAF - TRWYDDED YRRU DDEUOL CERBYD HACNAI/HURIO PREIFAT

[Sylwer: Roedd Mr Ashraf yn bresennol dros y ffôn].

Rhodddwyd gwybod i'r Pwyllgor fod gan Mr Mohammad Ashraf o Meadow Croft, Bronwydd Arms, Caerfyrddin, yn meddu ar Drwydded Yrru Ddeuol ar gyfer Cerbyd Hacnai/Hurio Preifat gan yr Awdurdod a bod mater wedi codi ynghylch ei drwydded.

Bu'r Pwyllgor yn cyfweld â Mr Ashraf ynghylch y mater hwnnw.

Argymhellodd yr Uwch-swyddog Trwyddedu fod Mr Ashraf yn cael rhybudd ynghylch ei ymddygiad yn y dyfodol.

Ar hynny

PENDERFYNODD yr Is-bwyllgor YN UNFRYDOL gynnal sesiwn preifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD YN UNFRYDOL, yn unol â chanllawiau'r Cyngor, fod Mr. Mohammad Ashraf yn cael rhybudd ynghylch ei ymddygiad yn y dyfodol.

7. MR DONALD LYN EVANS - CAIS AM DRWYDDED YRRU DDEUOL CERBYD HACNAI/HURIO PREIFAT

Bu'r Pwyllgor yn ystyried cais gan Mr Donald Lyn Evans Williams o 1 Heol Llwyd, Rhydaman, am Drwydded Yrru Ddeuol ar gyfer Cerbyd Hacnai/Hurio Preifat.

Cafodd y Pwyllgor er ystyriaeth sylwadau a gyflwynwyd gan Heddlu Dyfed-Powys.

Bu'r Pwyllgor yn cyfweld â Mr Evans a'i gynrychiolydd ynghylch ei gais a'r materion a godwyd gan yr Uwch-swyddog Trwyddedu.

Argymhellodd yr Uwch-swyddog Trwyddedu fod cais Mr Evans yn cael ei wrthod.

Ar hynny

PENDERFYNODD yr Is-bwyllgor YN UNFRYDOL gynnal sesiwn preifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD caniatáu cais Mr Donald Lyn Evans am Drwydded Yrru Ddeuol ar gyfer Cerbyd Hacnai/Hurio Preifat a rhoi rhybudd iddo ynghylch ei ymddygiad yn y dyfodol.

Rheswm

Ar sail y dystiolaeth a gyflwynwyd, roedd y Pwyllgor yn fodlon bod yr ymgeisydd yn rhywun addas a phriodol i feddu ar drwydded.

8. MR MARK EDWARD JOHN - CAIS AM DRWYDDED YRRU DDEUOL CERBYD HACNAI/HURIO PREIFAT

Bu'r Pwyllgor yn ystyried y cais gan Mr Mark Edward John o 18 Brynderwen, Caerfyrddin am Drwydded Yrru Ddeuol ar gyfer Cerbyd Hacnai/Hurio Preifat.

Cafodd y Pwyllgor er ystyriaeth sylwadau a gyflwynwyd gan Heddlu Dyfed-Powys.

Bu'r Pwyllgor yn cyfweld â Mr John a'i gynrychiolydd ynghylch ei gais a'r materion a godwyd gan yr Uwch-swyddog Trwyddedu.

Argymhellodd yr Uwch-swyddog Trwyddedu fod cais Mr John yn cael ei wrthod.

Ar hynny

PENDERFYNWYD YN UNFRYDOL gynnal sesiwn preifat er mwyn cael cyngor cyfreithiol yn unol â Pharagraff 16 o Atodlen 12A i Ddeddf Llywodraeth Leol 1972.

Ar ôl y toriad, ailymgynullodd y Pwyllgor i roi ei benderfyniad.

PENDERFYNWYD YN UNFRYDOL fod cais a gyflwynwyd gan Mr Mark Edward John am Drwydded Yrru Ddeuol ar gyfer Cerbyd Hacnai/Hurio Preifat yn cael ei wrthod.

Rheswm

Ar sail y dystiolaeth a gyflwynwyd, roedd y Pwyllgor yn fodlon bod yr ymgeisydd yn rhywun addas a phriodol i feddu ar drwydded.

9. MRS SARAH HELENA HAVARD - TRWYDDED YRRU DDEUOL CERBYD HACNAI/HURIO PREIFAT

Rhoddyd gwybod i'r Pwyllgor fod Mrs Rebecca Sarah Helena Havard o 52 Banc-y-Ddraenen, Rhydaman, yn meddu ar Drwydded Yrru Ddeuol ar gyfer Cerbyd Hacnai/Hurio Preifat gan yr Awdurdod a bod mater wedi codi ynghylch ei thrwydded.

Dywedodd yr Uwch-swyddog Trwyddedu nad oedd Mrs Sarah Helena Havard yn bresennol yn y cyfarfod a'i bod wedi methu ag ymgysylltu â'r Awdurdod ynglŷn â'r ohebiaeth a roddwyd iddi. Gan roi sylw i'r uchod

PENDERYNWYD YN UNFRYDOL i benderfynu ar y mater yn absenoldeb Mrs Sarah Helena Havard.

Cafodd y Pwyllgor adroddiad gan yr Uwch-swyddog Trwyddedu yn rhoi manylion y mater. Argymhellodd y dylid dirymu Trwydded Yrru Ddeuol Mrs Havard ar gyfer Cerbyd Hacnai/Hurio Preifat.

Ar hynny

PENDERFYNWYD YN UNFRYDOL, yn unol â chanllawiau'r Cyngor, ddirymu Trwydded Yrru Ddeuol Mrs Havard ar gyfer Cerbyd Hacnai/Hurio Preifat.

Rheswm:

Ar sail y dystiolaeth a gyflwynwyd, roedd y Pwyllgor yn fodlon bod achos rhesymol dros ddiddymu'r drwydded.

CADEIRYDD

DYDDIAD